

Dados relata 01 Maiu 2020

### SUMÁRIU

- Mantein servisu saúde ne'e importante tebes, hanesan mós ho responde ba pandemia COVID-19 ida ne'e. Ministériu Saúde no Hospital Nacional Guido Valadares (HNGV) ho apoiu tékniku hosi OMS no parseiru dezvoltimentu saúde seluk hanesan Brigada Médika Cubana no Maluk Timor hala'o treinamentu hamutuk hitu kona-ba jestaun ba kazu dengue ba pesoál saúde hosi sentru saúde komunitária (SSK) iha munisípiu Dili no Liquica. Pesoál saúde besik nain 100 mak hetan treinamentu ne'e hahú hosi loron 23 Abril to'o 30 Abril.
- OMS Timor-Leste halo apresentasaun id aba Governu, Sentru Integradu Jestaun Krize no parseiru dezvoltimentu sira kona-ba "Responde ba Finansiamentu Saúde ba COVID-19 no seluk tan". Apresentasaun ne'e koalia kona-ba prioridade iha finansiamentu saúde, orsamentu, no halo aprovizionamentu estratéjiku durante pandemia. Ida ne'e subliña nesesidade la'os de'it ba sustenta investimentu ba responde imediata ba COVID-19 maibé mós hodi bele haforsa jestaun ba finansiamentu públiku (JFP) no finansiamentu públiku iha setór saúde.

### SITUASAUN IHA NÚMERU

Totál no kazu (foun) iha Timor-Leste

**24** konfirmadu (**foun 0**)

**0** mate

(Bazeia ba dados ne'ebé pública iha [Centro Integrado Gestao de Crise](#))

Tuir pájina WHO Timor-Leste

[Facebook](#) no [Twitter](#) no [MS](#)

Ba informasaun klean liután no guia husi OMS kona-ba surtu atuál Moras Coronavirus – 2019 (COVID-19) bele asesu iha [ne'e](#).

### SITUASAUN GLOBÁL

Totál kazu (foun) iha oras 24 nia laran

**Globalmente**

**3 090 445** konfirmadu (**71839**)


**217 769** mate (**9797**)

### AVALIASAUN RISKU OMS

Nivel Globál    Aas tebes




Data notifikasaun kazu foun no kumulativu COVID-19 iha Timor-Leste



Source : Direcção Nacional Controlo de Doenças - Departamento Vijilansia Epidemiologia

## Situasaun Nasional Kazu : COVID-19 Timor-Leste

(Kumulative figures)



Source : Direcção Nacional Controlo de Doenças - Departamento Vijilansia Epidemiologia

## Sumáriu Global

Evidénsia hotu ne'ebé disponivel ba COVID-19 sujere katak SARS-CoV-2 ne'e iha fonte *zoonótica* (*sigla Inglés: zoonotic source*). Peskizadór barak mak halo ona peskiza ba karaktéristiku *genomic* hosi SARS-CoV-2 no rezultadu hatudu katak evidénsia la suporta teoria ida ne'ebé hatete katak SARS-CoV-2 ne'e konstrui hosi laboratóriu. Virus ne'ebé konstrui hatudu ona iha mistura elementu ne'ebé koñesidu iha sekuensia genómika (*sigla Inglés: genomic sequence*) – maibé ne'e laos kestaun ida.

---

## OMS TIMOR-LESTE NIA OBJETIVU ESTRATÉJIU

- Hapara transmisaun hosi ema-ba-ema inklui hamenus infesaun sekundáriu entre sira ne'ebé maka iha kontaktu besik no pesoál saúde sira, haforsa liután prevensaun transmisaun kazu;
- Haforsa Sistema vijilánsia no aumenta kapasidade laboratóriu hodi detekta kazu COVID-19;
- Garante katak halo tuir duni padraun ba infesaun prevensaun no kontrolu (IPC) ne'ebé rigorozu tebes no hasa'e kapasidade ba IPC nian;
- Identifika, izola no kuidadu ba paciente; inklui fornese mós kuidadu óptimu ba paciente ne'ebé infetadu;
- Halo sosializasaun ba informasaun risku no eventu ba comunidade hotu-hotu no hakotu informasaun la loos liuhosi servisu hamutuk ho parseiru sira.
- Hamenus impaktu sosiál no ekonómiku liuhosi parseria multisetorál.

---

## REKOMENDASAUN NO KONSELLU BA PÚBLIKU

### Fase ita-nia liman bebeik

Fase ita-nia liman ho dezinfetante ka fase ho sabaun no bee

**Tansá?** Fase ita-nia liman ho sabaun no bee ka uza dezinfetante sei oho virus ne'ebé hela iha ita-nia liman.

### Mantein distánsia fiziku

Mantein distánsia fiziku pelumenus metru 1 (pasu 3) distánsia hosi ita nian a'an no ema seluk.

**Tansá?** Wainhira ema me'ar ka fani sira bele hada'et mós ho been turuk ki'ik sai husi sira-nia inus ka ibun ne'ebé dalaruma kontamina ho virus. Se ita besik loos ema ne'e, ita bele dada iis tama fali turuk been ne'e, inklui ho virus COVID-19 karik ema ne'ebé me'ar infetadu hela.

### Evita ka'er ita nia matan, inus no ibun

**Tansá?** Ita-nia liman ka'er fatin barak no bele da'et virus ne'e. Bainhira kontaminadu ona, hosi liman bele transfere virus ba matan, inus ka ibun. Hosi ne'e, virus ne'e bele tama ba ita-nia isin no halo ita moras.

## **Prátika Ijiene Respiratóriu**

Tenki asegura ita-boot, no ema ne'ebé besik ita, atu halo tuir ijiene respiratóriu. Ida ne'e signifika katak taka ibun, no inus ho liman sikun ka uza tixu bainhira me'ar or fani. Depois soe kedas tixu ne'e ba lixu fatin.

**Tansá?** Pártikula hada'et virus. Halo tuir ijiene respiratóriu, ita-boot sei proteje ema ne'ebé besik ita hosi virus hanesan inus metin, flu no COVID-19.

### **Se ita-boot isin-manas, me'ar no dada iis araska, buka lalais tratamentu**

Hela iha uma bainhira moras. Se isin-manas, me'ar no dada iis araska, buka lalais tratamentu médiku no telefone uluk. Halo tuir instrusaun hosi autoridade saúde.

**Tansá?** Telefone antes sei permiti pesoál saúde sira atu bele direta ita-boot ba facilidade saúde ne'ebé loos. Ida ne'e sei ajuda proteje ita-boot no ajuda prevene hada'et virus no infesaun seluk.

### **Buka hatene informasaun no halo tuir konsellu ne'ebé pesoál saúde sira hatoo**

Buka hatene nafatin informasaun ba dezvoltamentu ikus kona-ba COVID-19. Halo tuir konsellu ne'ebé ita-boot nia pesoál saúde sira hatoo, husi autoridade saúde nasionál no lokál, ka empregadór kona-ba oinsá atu proteje ita-nia aan no ho ema seluk husi COVID-19.

**Tansá?** Autoridade nasionál no lokál sei iha informasaun atualizadu kona-ba karik COVID-19 da'et iha ita-nia área. Sira maka fatin di'ak liu atu hetan konsellu kona-ba saida mak ita tenki halo hodi proteje aan.

Ba matadalan kona-ba medida preventiva seluk disponivel iha [ne'e](#).

---

## **Informasaun COVID-19 Information no kontaktu média:**

- Ministériu Saúde estabelese ona número hotline – 119 – ba COVID-19 ne'ebé maka ema hotu-hotu bele telephone hodi hetan informasaun relasiona ho COVID-19
  - Alende ne'e, [Pájina Facebook MS](#) nian fornese atualizasaun loloos kona-ba dezvoltamentu COVID-19 iha rai laran
  - OMS Timor-Leste liuhosi nia [Pájina Facebook](#) no [Twitter](#) mós disemina informasaun kona-ba medida preventive, pergunta no resposta, *myth-buster* no atualizasaun ikus kona-ba COVID-19 iha mundu tomak no iha rai laran. Ba media no pedidu ba entrevista bele manda ba [singhsho@who.int](mailto:singhsho@who.int) no [hasane@who.int](mailto:hasane@who.int)
-